

SUPLEMENTO

A

* **A.** La unua litero de la Esp. alfabeto, uzata interalie kiel angla-germana nomo de la sesa tono de la natura majora skalo, responda al la sonoro de 435 periodoj en sekundo (= franca-itala « la »).

adasismo ♪. Ripeto de la sama (ordinare banala) sufikso je la fino de du versoj, ekz. « amadas » k « floradas » : *la ~oj estas akcepteblaj, nur se samas unu aŭ du antaŭaj konsonantoj, kiel ĉe « hortema — pentema ».*

adiabata □. 1 Sen aldono aŭ depreno de varmo. 2 Ne kaŭzanta transiron de unu kvantumstato al alia.

adobo 🍖. Ne bakita, sunsekigita briko.

adrenalino ☼. Hormono el la surrenaj glandoj, uzata en medicino pro la angio-mallargiga efiko — $C_6H_3(OH)_2CHOHCH_2NHCH_3$.

* **Aero** ALD ~**flo**to (Avi). 1 Kelke da eskadroj sub la komando de ~**admiralo**. 2 La tuta aviadilaro de unu lando. ~**tubo**. Kaŭĉuka tuba ringo, provizita per valvo k alĝustigita ĉirkaŭ rado, kiun ŝveligite ĝi ŝirmas kontraŭ la skuoj. Kp BENDO, RADRINGO, PNEŬMATIKO.

aerobatiko. Aviadilaj akrobataĵoj.

aerodromo. (Avi) Difinita k limita areo, kun la koncernaj instalaĵoj, destinita ebligi la alvenon, foriron k servadon de aviadiloj, sur tero aŭ sur akvo.

afrodizio ☼. Eksciteco de la seksorganoj. ~**igaĵo**. Substanco, kiu estigas tian stacion. **Mal~o**. Pli-malpli kompleta manko de seksa ekscitiĝo.

agresi (tr). Ataki la unua, ne estante

mem minacata. ~**ema**. Ĉiam preta ataki, eĉ ne provokite.

agresiva z. Agresema.

* **Akceli** ALD ~**ilo**. 1 Pedalo en aŭtomobilo, reguliganta la rapidon de la motoro per la kvanto de la allasata benzino. 2 □ Maŝino, per kiu elektronoj aŭ jonoj estas ~ataj. **Linia** ~**ilo**. Duasenca ~ilo, en kiu la korpuskloj moviĝantaj tra serion da tuboj rektlinie aranĝataj estas ~ataj per elektraj kampoj intertubaj, oscilantaj samfaze kun la pasado de la korpuskloj de unu tubo al la sekvanta.

akrostiko z. 1 Poemo, en kiu la unua litero — aŭ pli malofte la unua k lasta literoj — de ĉiu verso formas vorton, nomon ktp. 2 (Bb) Poemo, en kiu ĉiu verso aŭ duonverso komenciĝas per la sinsekvaj literoj de la alfabeto.

* **Akso** ANST 1 Cilindroforma stango, iafaje provizita per pivotoj, ĉirkaŭ kiu turniĝas peco de maŝino : ~**o de rado**; *kuplila, libera* ~**o**. 2 Δ Rekta linio, ĉirkaŭ kiu figuro revoluas, aŭ kiu trapasas ties fokuso(j)n : ~**o de fortoparo**, *de simetrio*; (f) ~**o de vojo**. 3 Δ Ĉiu el la du linioj, laŭ kiuj estas difinita pozicio de punkto sur ebena : ~**o de iksoj**, *de ipsilonoj* (Kp ABCISOJ, ORDINATOJ). 4 *☼ Imaga rekta linio, ĉirkaŭ kiu rotacias astro. 5 *☼☼ Imaga rekta linio, kiu trairas la centron de objekto k rilate al kiu ties partoj estas simetrie aranĝitaj. 6 (Opt) Rekta linio, kiu pasas tra la okulo k falas perpendikle al surfaco, aŭ tra lensocentro. 7 (f) Centra, plej grava organo en organizo : *tiu komitato estis la ĉefa ~o de la societo*.